

**MKINGA DISTRICT COUNCIL
GOMBERO SECONDARY SCHOOL
P.O BOX 2157, TANGA.**

TAREHE.....

Ref. No. GSS/K.1/014/VOL.1/04

JINA LA MWANAFUNZI.....
SHULE YA MSINGI ATOKAYO.....

MAELEZO YA KUJIUNGA NA SHULE YA SEKONDARI GOMBERO MWAKA 2018

Ninayo furaha kukuarifu kuwa umechaguliwa kujiunga na kidato cha kwanza katika shule ya sekondari Gombero, hongera sana kwa kufaulu mtihani wa kumaliza elimu ya msingi na kupata nafasi ya kujiunga na shule ya sekondari Gombero.

Ni mategemeo yangu kuwa utatumia nafasi hii vizuri mpaka utakapo maliza kiwango hiki cha elimu ya sekondari, ili hatimae utoe mchango wako katika ujenzi wa taifa.

Wanafunzi wa kidato cha kwanza wafike shuleni kuanzia tarehe **8.01.2018 MWISHO Tarehe 15.01.2018.shule hii ni ya kutwa na yenye mchanganyiko ya wanafunzi wa kike na wa kiume, ipo umbali wa kilometa 29 kutoka Tanga mjini na meta 400 kutoka barabara kuu ya Maramba – Tanga. Kikao cha wazazi wenye watoto waliochaguliwa kujiunga kidato cha kwanza kitafanyika siku ALHAMISI tarehe 28.12.2017 Tafadhali fika bila kukosa. Kikao kitaanza saa 3 asubuhi.**

Pamoja na barua hii naambatanisha :-

1. Orodha ya mahitaji muhimu ya shule
2. Fomu ya maelezo binafsi ya mwanafunzi
3. Fomu ya hospitalini
4. Kanuni na sheria za shule
5. Fomu ya kukubali nafasi uliyopewa

Fomu ya hospitali ijazwe na daktari katika hospitali ya serikali. Mwanafunzi aje na fomu zote zikiwa zimejazwa kikamilifu siku ya kufungua shule bila kukosa na azikabidhi kwa mkuu wa shule ndio atapata usajili.

Karibu sana Gombero Sekondari

.....
**ATHUMANI MRISHO ABDALLAH
MKUU WA SHULE**

Nakala:-

1. Katibu mkuu,
Wizara ya elimu na mafunzo ya ufundi
SLP 9121
DAR ES SALAAM

2. Mkaguzi Mkuu wa shule kanda,
Kanda ya kaskazini Mashariki,
SLP 460
MOSHI
3. Afisa Elimu mkoa,
SLP 313,
TANGA.
4. Afisa Elimu sekondari,
Wilaya ya Mkinga,
SLP 6005,
TANGA.

ORODHA YA MAHITAJI YA MWANAFUNZI

1.VIFAA VYA DARASANI

- Madaftari 13, peni, penseli na mkebe
- Kamusi (dictionary)
- Vitabu mbalimbali

2. SARE ZA SHULE

- i. Wavulana
 - ✓ Suruali mbili za kijani (Ona mfano wa kitambaa)na mashati mawili meupe yenye mikono mifupi
 - ✓ Viatu vyeusi vya ngozi vya kufunga na kamba. Raba haziruhusiwi.
- ii. Wasichana
 - ✓ Sketi mbili za kijani (ona mfano wa kitambaa). Urefu ufike kwenye kongo za miguu na si magoti.
 - ✓ Kwa wanafunzi wa kiislamu, Hijabu ni sketi mbili ndefu zifike kwenye kongo za miguu. Nusu kanzu mbili zinazofika kwenye magoti.
 - ✓ Viatu vyeusi vya ngozi vya kufunga kamba. Bajaji haziruhusiwi.
- iii. Nguo za michezo na raba
- iv. Tai ya kijani nzuri na ya heshima na ifanane na sketi/ suruali ya mwanafunzi.

3.VIFAA VINGINE

- ✓ Mwanafunzi aje na cheti halasi cha kuzaliwa

SHERIA NA KANUNI ZA SHULE

Mwanafunzi anapaswa kufuata sheria na kanuni zilizowekwa na shule kwani ndio dira na usalama wake awapo shuleni.

A. SHERIA ZA NCHI

Kila mwanafunzi anawajibika kutii na kufuata sheria zote za nchi.

B. MASOMO

Kila mwanafunzi anatakiwa kufuata ratiba ya shule kama ilivyopangwa na ikiwemo kuwahi shuleni na kubaki shule hadi mwisho wa viupindi. Masomo yafundishwayo hapa shuleni ni Civics, Physics, Chemistry, Biology, Geography, Elimu ya dini ya kiislamu, Kiswahili, Basic Mathematics, History, English language na kiarabu.

C. MAADILI

- i. **HESHIMA**- Mwanafunzi anapaswa awaheshimu walimu, wafanyakazi, wasio walimu, viranja, wanafunzi wenzake na wananchi ndani na nje ya mazingira ya shule.
- ii. **USAFI**- Kila mwanafunzi hana budi kuzingatia usafi wa mwili, mavazi na mazingira wakati wote akiwa mazingira ya shule na nje ya shule.
- iii. **MWANAFUNZI HATAKIWI KUFANYA YAFUATAYO.**
 - Kuvuta sigara, Bangi, kutumia madawa ya kulevya au kunywa pombe
 - Kutembelea vilabu vya pombe , nyumba za starehe au nyumba za kufikia wageni (guest house)
 - Kutumia lugha mbaya na za kihuni kwa wanafunzi wenzake, walimu na watu wengine.
- iv. Ni marufuku kujipamba mfano: kutia dawanywele, kupaka rangi kwenye kucha, midomo, kujichubua ngozi kwa dawa, kuvaa herein, pete au bangili, kuvaa mikanda mipana, kuandika maandishi kwenye mwili, pia hairusiwi kunyoa mitindo ya kihuni.
- v. Wanafunzi watavaa sare wakati wa
 - a. Masmu darasani
 - b. Wanapotoka nje ya shule kwa shughuli za kishule.
 - c. Wanapokwenda hospitalini.

D. LUGHA.

Masomo yote isipokuwa KISWAHILI, ELIMU YA DINI YA KIISLAMU na KIARABU yatafundishwa kwa lugha ya kiingereza. Tunasisitiza kuwa lugha rasmi ya mawasiliano hapa shuleni ni KIINGEREZA.

E. MAKOSA YAFUATAYO YANAWEZA KUSABABISHA UFUKUZWE SHULE.

1. Wizi
2. Uasherati, ubakaji na ushoga
3. Ulevi na matumizi ya madawa ya kulevya
4. Uvutaji wa bangi
5. Makosa ya jinai
6. Kupiga au kupigana
7. Kudharau bendera ya taifa
8. Kuoja au kuolewa
9. Kuharibu mali ya uma kwa makusudi
10. Kupata mimba au kumpa msichana mimba
11. Kugoma, kuchochea au kuongoza mgomo/vurugu.

